

UQAB

Jarida la

TAARIFA KWA VYOMBO

VYYA HARABI

Matukio ya Uhalifu Yanayofichuliwa Katika Magereza ya Dhalimu wa Ash-Sham Yanapasa Kuwasha Moto Nyoyoni mwa Wana wa Ummah Kuwateketeza Watawala

HABARI NA MAONI

Bila Mfumo wa Elimu ya Kiislamu, Haramu inakuwa ni Sharti la Kusoma

MATOLEO

Marekani, kupitia Usitishaji vita, Inafikia Malengo Mawili Muhimu kwa Uvamizi wa Kiyahudi:

JIBU LA SWALI

Matukio nchini Syria na Kuanguka kwa Utawala wa Assad



Taarifa kwa Vyombo Vya Habari

Matukio ya Uhalifu Yanayofichuliwa Katika Magereza ya Dhalimu wa Ash-Sham Yanapasa Kuwasha Moto Nyoyoni mwa Wana wa Ummah Kuwateketeza Watawala

Katika siku chache zilizopita baada ya kutoroka kwa dhalimu Bashar na kuanguka kwa utawala wake muovu, matukio ya uchungu na makali yalifichuliwa ambayo yalivunja nyoyo za Waislamu. Kwani waliona kwa macho yao ukubwa wa jinai na ukatili ambao utawala wake uliamiliana nao kwa ndugu na dada zao katika vituo vya uzuzi na magereza: kuanzia na kuwekwa kwao kizuizini kwa miongo kadhaa katika magereza ambayo yalikosa mahitaji msingi zaidi ya kibinadamu, kisha njaa, ukandamizaji na mateso ya kikatili ambayo magereza hayo na kuta zinayazungumzia, na seli, nguzo na zana za mateso zinazosimulia hadithi zao, na miili ya wahasiriwa waliopatikana wamekufa na kukatwakatwa inamfichua. Na hadithi zilizosimuliwa na wale walioachiliwa huru kuhusu kiwango cha mauaji yaliyokuwa yakifanyika ndani ya magereza hayo, kuwa ilifikia makumi kila siku katika gereza moja, haswa katika Gereza la Sednaya, pango la ukatili na uhalifu, na hadithi za udhalilishaji, kunyimwa, kuteswa, kudhalilishwa na kubakwa, hadithi ambazo zimechana nyoyo za wasikilizaji kwa hofu kubwa, hadi kila mtu akajiuliza, je, wale waliofanya uhalifu huu wote kwa watu hao dhaifu ni binadamu? Ili kustahiki ghadhabu ya Mwenyezi Mungu na adhabu chungu, Mwenyezi Mungu (swt) asema:

[وَالَّذِينَ يُؤَدُّونَ الْمُؤْمِنِينَ وَالْمُؤْمِنَاتِ بغيرِ مَا اكْتَسَبُوا فَقَدِ احْتَمَلُوا بُهْتَانًا وَإِنَّمَا مُبِينًا]

“Na wale wanao waudhi Waumini wanaume na wanawake pasina wao kufanya kosa lolote, bila ya shaka wamebeba dhulma kubwa na dhambi zililo dhaahiri.” [Al-Ahzab: 58].

Huu sio uhalisia wa utawala wa Al-Assad pekee, bali ni uhalisia wa tawala zote zenye madhara zilizoko katika nchi za Waislamu. Zote zimetenda jinai na zinaendelea kutekeleza jinai dhidi ya Ummah wetu tangu mkoloni kafiri Magharibi alipozilazimisha juu ya shingo zake.

[وَمَا نَقَمُوا مِنْهُمْ إِلَّا أَن يُؤْمِنُوا بِاللَّهِ الْعَزِيزِ الْحَمِيدِ]

“...Nao hawakuona baya lolote kwao ila kuwa wakimuamini Mwenyezi Mungu, Mwenye nguvu, Msifiwa.” [Al-Buruj: 8]

Serikali zinazotawala katika nchi zetu zote ni mifumo ya kipolisi inayojikita katika ukandamizaji, ukatili na dhulma. Zote zina uadui sawa kwa Ummah na matarajio yake ya ukombozi na kutawaliwa na Uislamu. Haziachi jinai yoyote ili kuzuia Ummah usipate tena mamlaka yake na kusimamisha Khilafah yake. Matukio haya ya dhulma na mateso ambayo Waislamu wote wameyaona lazima yawashe ndani ya nyoyo zao moto wa chuki dhidi ya watawala, haupaswi kuzimwa kabla hawajakamata koo zao na kubomoa mifumo yao na kusimamisha Khilafah Rashida kwa njia ya Utume; ambayo ndani yake watafurahia maisha ya fahari na utu, na ndani yake khalifa atakuwa na huruma kwao na kuwahakikishia faraja yao.

[وَيَوْمَئِذٍ يَفْرَحُ الْمُؤْمِنُونَ]

“Na siku hiyo Waumini watafurahi.” [Ar-Rum: 4]

Afisi Kuu ya Habari ya Hizb ut Tahrir

HABARI NA MAONI

Bila Mfumo wa Elimu ya Kiislamu, Haramu inakuwa ni Sharti la Kusoma

Habari:

Mnamo tarehe 16 Novemba, gazeti la Times la India liliripoti kwamba Chuo Kikuu cha Uttarakhand Sanskrit huko Haridwar kimeanzisha hatua za kutekeleza uamuzi wa Mahakama ya Upeo juu ya mavazi ya wanafunzi ndani ya chuo kikuu na madarasani, Makamu wa Chansela wa Chuo Kikuu Dinesh Chandra Shastri aliambia TOI mnamo Alhamisi. Hatua hiyo imekuja baada ya malalamiko kuwa “wanafunzi kadhaa wa Kiislamu wa kike wanaendelea kuvaa burka au hijabu wakiwa chuo hicho kikuu.”

Dkt. Ajai Parmar, Mkuu wa Idara ya Historia ambayo ina idadi kubwa ya wanafunzi wa kike Waislamu alisema, “Kuna wanafunzi wa Kiislamu wapatao 500 katika kozi tofauti katika chuo hicho kikuu. Kati ya hawa, takriban 24 wako wanafanya Historia shahada ya pili. Katika ya hao 16 ni wasichana, na 4 au 5 pekee kati yao huvaa burqa wakati wa masomo. Kufuatia pingamizi za hivi karibuni, chumba cha kubadilishia nguo kimetolewa karibu na lango kuu ambapo wanafunzi hawa wanaweza kubadili mavazi ya kawaida wanapoingia chuoni humo.

Maoni:

Wazo la kwamba haramu hurahisishwa ili wasichana wa Kiislamu wapate haki zao za kimsingi za Kiislamu za kupata elimu halikubaliki kabisa kwa Ummah huu kulistahimilia.

Kamwe haiwezi kuwa hivyo kwamba tunaruhusu kujieleza Kiislamu kivitandaa. Kuwa na Hijabu nje ya Chuo Kikuu na kulazimishwa kuivua ili kupata taaluma au maendeleo ya kijamii sio jambo la kulisherehekea. Baadhi ya wanafikra wa kisekula wanaweza kusema kwamba “angalau wanaweza kuivaa barabarani”. Huu sio msimamo halali wa kuchukua.

Mwenyezi Mungu (swt) ndiye mwamuzi wa vipimo vya sawa na makosa.

[مَا قَدَرُوا اللَّهَ حَقَّ قَدْرِهِ ۗ إِنَّ اللَّهَ لَقَوِيٌّ عَزِيزٌ]

“Hawakumuadhimisha Mwenyezi Mungu anavyo stahiki kuadhimishwa. Hakika Mwenyezi Mungu bila ya shaka ni Mwenye kushinda.” [Al-Hajj:74].

Imeripotiwa kwamba “wengi wa wasichana hao wanatoka katika malezi ya hali ya chini, hufanya vyema katika mtihani, na wana uwezekano mdogo wa kuvunja nidhamu ya chuo kikuu.” Hii ni kutokana na kuwa katika hali ya haja na kuonesha jinsi gani ukosefu wa mamlaka ya kulinda heshima ya wanawake wa Kiislamu ulivyo. Maisha yao, utu na mustakabali wao havina usalama bila ya Khilafah Je! tunapoingia 2025 mipango hii ya kilimwengu itakoma lini?

Lazima tutambue kwamba inaweza tu kuisha pale faradhi ya Khalifah muongofu (Khalifa Rashid) itakaposimamishwa duniani kama mamlaka ya kweli ya kulinda, sio tu haki za Ummah, bali wale wote wanaokandamizwa na ushawishi wa shetani na wanaofanya kazi naye.

Wanawake wa Ummah wanasimama kidete na mapambano ya dada zetu nchini India, ambao lazima pia wavumilie ukatili uliokithiri dhidi yao, watoto wao na walezi wao wa kiume. Tunawaomba malipo na subira, Amin.

Imeandikwa kwa Ajili ya Afisi Kuu ya Habari ya Hizb ut Tahrir na

Imrana Mohammad

Mwanachama wa Afisi Kuu ya Habari ya Hizb ut Tahrir

Marekani, kupitia Usitishaji vita, Inafikia Malengo Mawili Muhimu kwa Uvamizi wa Kiyahudi: Kuondolewa kwa Vikosi vya Hezbollah vinavyoingwa mkono na Iran Kaskazini mwa Mto Litani, na Kutenganishwa kwa Pande Mbili!

Mnamo tarehe 27 Novemba 2024, usitishaji vita ulitangazwa katika upande wa Lebanon kati ya umbile la Kiyahudi na Hezbollah. Moja ya masharti yake ilikuwa kwamba umbile la Kiyahudi lingeondoa jeshi lake linalovamia kutoka kusini mwa Lebanon ndani ya miezi miwili, huku Hezbollah ingerudisha nyuma majeshi yake kaskazini mwa Mto Litani. Makubaliano hayo pia yalivipa vikosi vya Kiyahudi uhuru wa kutembea kusini endapo chama hicho kitakiuka makubaliano hayo, sambamba na kuendelea na safari za ndege za adui katika anga ya Lebanon kwa ajili ya uchunguzi na ujasusi.

[Maelezo ya makubaliano ya kusitisha mapigano, kama yalivyochapishwa na Al Jazeera mnamo tarehe 27 Novemba 2024, yalijumuisha:

Kujiondoa kwa wanajeshi: Jeshi la 'Israel' litaondoka polepole kutoka kusini mwa Lebanon, na kukamilisha kujiondoa ndani ya siku 60. Hezbollah itaondoka kaskazini mwa Mto Litani, takriban kilomita 30 kaskazini mwa mpaka na 'Israel'. Jeshi la Lebanon litapeleka karibu wanajeshi 5,000 kusini mwa Mto Litani, na kuweka nafasi 33 kwenye mpaka wa 'Israel'.

Utaratibu wa ufuatiliaji: Utaratibu uliopo wa ufuatiliaji wa pande tatu unaohusisha Kikosi cha Muda cha Umoja wa Mataifa nchini Lebanon (UNIFIL), jeshi la Lebanon, na jeshi la 'Israel' utasimamia utekelezaji wa makubaliano hayo. Utapanuliwa ili kujumuisha Marekani na Ufaransa, huku Washington ikiongoza kundi hilo.]

Licha ya makubaliano haya, umbile la Kiyahudi liliwakamata watu wanne walioregea katika vijiji vyao, wakiwashuku kuwa wapiganaji wa upinzani. Pia liliweka amri ya kutotoka nje kusini mwa Mto Litani kana kwamba eneo hilo lilikuwa chini ya udhibiti wake. Al Sharq Al Awsat iliripoti mnamo tarehe 27 Novemba 2024:

[Jeshi la 'Israel' limetangaza leo (Jumatano) amri ya kutotoka nje kwa wakaazi wa kusini mwa Lebanon kuelekea kusini mwa Mto Litani...

Msemaji wa jeshi la 'Israel' kwa lugha ya Kiarabu, Avichay Adraee, alisema leo (Jumatano):

'Matembezi yoyote kuelekea maeneo haya yanakuwekeni kwenye hatari. Tunakufahamisheni kwamba kuanzia saa 5:00 jioni ya leo hadi saa 7:00 asubuhi kesho, matembezi yoyote kusini mwa Mto Litani ni marufuku kabisa.'

Al Arabiya Net ilichapisha maelezo ya makubaliano hayo mnamo tarehe 27 Novemba 2024, ikisema:

[Uhuru wa kutembea: 'Israel' inahifadhi haki ya kuchukua hatua katika eneo la kusini dhidi ya ukiukaji. Nje ya eneo hili, inashikilia haki ya kujibu vitisho vinavyoendelea, ikiwa ni pamoja na ulanguzi wa silaha haramu hadi Lebanon. Katika hali kama hizi, 'Israel' itaiarifu Marekani kila inapowezekana. Safari za ndege za 'Israel' juu ya anga ya Lebanon zitazingatia ujasusi, uchunguzi, na upelelezi, kupunguza mwonekano na kuepuka kuvunja kizuizi cha sauti.]

Makubaliano haya yanatenganisha kikamilifu pande za Lebanon na Gaza, na kuiacha Gaza ikiwa imetengwa chini ya mashambulizi ya Kiyahudi bila kunusuriwa na upande wa Lebanon.

Wakati huo huo, Amerika, Mayahudi, na tawala za kisaliti zinazozunguka Palestina zinapanga makubaliano ambayo yatahakikisha ushindi kwa Mayahudi dhidi ya Gaza chini ya masharti wanayoamuru. Haya yanatokea wazi mbele ya watawala wasiomcha Mwenyezi Mungu wala hawaoni haya.

قَاتِلْهُمْ اللَّهُ أَنَّى يُؤَفِّكُونَ

["Mwenyezi Mungu awaangamizilie mbali! Vipi wanapotoka na haki?" [Surat Al-Munafiqun: 4]

Amerika na washirika wake wanalenga kuitenga Gaza kikamilifu, na kuwapa utawala wa Kiyahudi juu yake, Ukingo wa Magharibi, Jerusalem, na Palestina yote. Makubaliano ya kutenganisha pande na kuondoa vikosi vya Hezbollah kaskazini mwa Litani yaliwezesha na ushirikiano wa kimya wa watawala wa Waislamu, hasa wale walio karibu na Palestina, kama vile Misri, Jordan, Saudi Arabia, Uturuki, Iran, Syria na Iraq. Watawala hawa wanajifanya kama wasioegemea upande wowote kati ya Mayahudi na Waislamu, lakini kwa uhalisia, wanaegemea upande wa umbile la Kiyahudi.

Hata Iran haikupeleka jeshi lake kunusuru chama chake nchini Lebanon, ili kisifungwe na makubaliano ya kujiondoa kwenye nyadhifa zake na kusitisha kunusuru kwake Gaza. Kadhalika, tawala za Misri na Jordan, ambazo kijiografia ziko karibu zaidi na Gaza na Ukingo wa Magharibi wa Mto Jordan, hazikukusanya majeshi yao kutetea maeneo haya. Badala yake, walikutana jijini Cairo ili kujadili mazungumzo na Mayahudi kuhusu ardhi ya Wapalestina, badala ya kupeleka majeshi yao kung'oa mwiba uliopandwa na wakoloni katika Ardhi Iliyobarikiwa.

Endelea... UK 5

Kama ilivyoripotiwa na “Youm7” kwenye tovuti yake mnamo tarehe 27/11/2024:

‘Rais Sisi na Mfalme wa Jordan wanajadili juhudi za kuratibu misimamo kuhusu maendeleo katika maeneo ya Wapalestina...’

bila ya kutaja hata neno moja kuhusu kuhamasisha majeshi kuihami Palestina dhidi ya jinai za kikatili za Wazayuni, ambao uvamizi wao umewalenga watu, miti na mawe sawia!”

Enyi Waislamu: Tunafahamu kikamilifu kwamba umbile la Kiyahudi halina uwezo wa kupigana vita, kwani udhalilifu na fedheha zimetupwa juu yao.

وَأِنْ يُقَاتِلُواكُمْ يُولُوْكُمْ أَذْيَابًا ثُمَّ لَا يَنْصُرُوْنَ * ضَرَبْتَ عَلَيْهِمُ الدَّلِيلَ أَيْنَ مَا تُقِفُوْنَ
[إِلَّا بِحَبْلِ مِنَ اللَّهِ وَحَبْلِ مِنَ النَّاسِ]

“Na wakipigana nanyi watacupeni mgongo, na tena hawatanusuriwa. Wamepigwa na udhalili popote wanapo kutikana, isipo kuwa wakishika kamba ya Mwenyezi Mungu na kamba ya watu.” [Surat Aal-i-Imran:111,112]

Uoga umewekwa katika nyoyo zao, na hawawezi kusimama kidete isipokuwa kwa kamba kutoka kwa Mwenyezi Mungu au kutoka kwa watu. Uhusiano wao na Mwenyezi Mungu umekatika tangu zama za mitume wao, na kuwaacha wakitegemea tu msaada wa wengine. Kamba yao sasa inashikiliwa na kiongozi wa ukafiri, Marekani, pamoja na usaliti wa watawala katika ardhi za Waislamu. Bila msaada huu, umbile la Kiyahudi ni dhaifu kuliko utandu wa buibui.

Ukweli unajieleza wenyewe: kwa zaidi ya siku 400, hawajaweza kufikia malengo yao, hata dhidi ya vikundi ambavyo vinakosa ndege na magari ya kivita.

Vile vile tunaelewa kwamba kuondolewa kwa umbile la Kiyahudi na kung'olewa kwa misingi yake hakuwezi kupatikana kwa juhudi za makundi peke yake. Njia pekee ya kulifanikisha hili ni kwa kuyakusanya majeshi, kama Mwenyezi Mungu Mtukufu Anavyosema:

[فَإِمَّا تَنْفِقْنَهُمْ فِي الْحَرْبِ فَشَرِّدْ بِهِمْ مَنْ خَلْفَهُمْ لَعَلَّهُمْ يَدْعُرُونَ]

“Basi ukiwakuta vitani wakimbize walio nyuma yao ili wapate kukumbuka.” [Surat Al-Anfal:57]

Wakoloni wanalifahamu hili kikamilifu, ndiyo maana wanatoa amri kali na madhubuti kwa watawala katika ardhi za Waislamu kuwafungia majeshi kwenye kambi zao. Mnawaona wajumbe wa wakoloni, hasa kutoka Amerika, wakisafiri katika eneo hilo, kutoka Qatar hadi Misri, Jordan, Saudi Arabia, Uturuki na kwengineko, ili kuhakikisha kwamba watawala vibaraka wao wanafuata amri hizi, kuhakikisha majeshi yanabaki bila kusonga katika maeneo yao.

Enyi Waislamu, enyi askari katika majeshi ya Uislamu:

Msiba wa Ummah huu uko kwa watawala wake. Wanashuhudia miili ya mashahidi kwa macho yao wenyewe, wanasikia vilio vya watoto kwa masikio yao, na wanaona familia zilizohamishwa kutoka kwa nyumba zao, wakiwa wamebeba watoto wao na wanawake katika matukio ya kuumiza nyoyo. Watawala wameyaona haya yote na yamefikia akili zao, lakini hayakugusa uungwana wa mtu kama Al-Muutasim!

Hata wanapolizunguka umbile la Kiyahudi mithili ya bangili inavyozunguka kifundo cha mkono, wanashindwa kupeleka jeshi au kuitikia vilio vya kuomba msaada. Wamejishusha thamani, kwani majeraha hayawaumizi waliokufa.

Enyi askari katika majeshi ya Uislamu:

Bila shaka mnafahamu kwamba Palestina ni ardhi iliyobarikiwa, ardhi ya Kiislamu ambayo Mayahudi hawana mamlaka halali ndani yake. Lile linaloitwa kama “suluhisho la dola mbili” halina nafasi ndani yake. Kama vile Umar ibn al-Khattab alivyoifungua, Al-Khulafa' Alrashideen (Makhalifa Waongofu) walihiifadhi, Salahuddin akaikomboa, na Sultan Abdul Hamid akailinda kutokana na Mayahudi; itaregeshwa tena kwa juhudi za askari waaminifu wa Mwenyezi Mungu, wakiongozwa na kiongozi wao chini ya Raya ya Mtume wa Mwenyezi Mungu (swt). Watatimiza maneno ya Mtume (swt):

«...لَتَقَاتِلَنَّ الْيَهُودَ فَلَتَقْتُلَنَّاهُمْ»

“Kwa yakini mtapigana na Mayahudi na kwa yakini mtawaua.” [Imepokewa na Muslim kutoka kwa Ibn Umar]

Enyi askari katika majeshi ya Uislamu: Je, hamutamani moja kati ya matokeo mawili matukufu?

يَغْفِرُ لَكُمْ ذُنُوبَكُمْ وَيُدْخِلْكُمْ جَنَّاتٍ تَجْرِي مِنْ تَحْتِهَا الْأَنْهَارُ وَمَسَاكِنَ طَيِّبَةً فِي جَنَّاتٍ عَدْنٍ ذَلِكَ الْفَوْزُ الْعَظِيمُ * وَأُخْرَى تُحِبُّونَهَا نَصْرٌ مِنَ اللَّهِ وَفَتْحٌ قَرِيبٌ وَبَشِيرٌ
[الْمُؤْمِنِينَ]

“Atakusameheni dhambi zenu, na atakutieni katika Mabustani yapitiwayo na mito kati yake, na maskani nzuri nzuri katika Bustani za milele. Huko ndio kufuzu kukubwa. Na kinginecho mkipendacho, nacho ni nusura itokayo kwa Mwenyezi Mungu, na ushindi ulio karibu! Na wabashirieni Waumini!” [Surat As-Saff:12,13]

Basi inukeni, enyi askari katika majeshi ya Uislamu, kuinusuru Ardhi Iliyobarikiwa, ili iweze kung'aa tena kama nyumba ya Uislamu. Mwenyezi Mungu ni mwenye kuwausuru wanaoinusuru njia yake.

[وَلْيَنْصُرَنَّ اللَّهُ مَنْ يَنْصُرُهُ إِنَّ اللَّهَ لَقَوِيٌّ عَزِيزٌ]

“Na bila ya shaka Mwenyezi Mungu humsaidia yule anaye msaidia Yeye. Hakika Mwenyezi Mungu ni Mwenye nguvu Mtukufu.” [Surat Al-Hajj:40]

H. 27 Jumada I 1446

M. : Ijuma, 29 Novemba 2024

Hizb-ut-Tahrir

Matukio nchini Syria na Kuanguka kwa Utawala wa Assad

Swali:

Asharq Al-Awsat ilichapishwa mnamo tarehe 8 Disemba 2024: (Utawala wa Assad umeanguka: Upinzani wa Syria umetangaza leo, Jumapili, kwamba umeikomboa Damascus na kuupindua utawala wa miaka 24 wa Rais Bashar al-Assad. Taarifa ya upinzani kwenye televisheni ya taifa ilisomeka: “Sifa zote ni za Mwenyezi Mungu, mji wa Damascus umekombolewa na dhalimu Bashar al-Assad amepinduliwa.” Upinzani uliongeza kuwa wafungwa wote wameachiliwa huru.)

Hay'at Tahrir al-Sham (HTS) ilikuwa ameanzisha mashambulizi kaskazini mwa Syria chini ya jina la “Kuzuia Uchokozi” mnamo tarehe 27/11/2024, na kufuatiwa na shambulizi la Jeshi la Kitaifa la Syria chini ya jina la “Alfajiri ya Uhuru” mnamo tarehe 30/11/2024. Aleppo ilichukuliwa, pamoja na udhibiti kamili wa maeneo yote ya Idlib, kisha Hama, Homs ... na leo Damascus ... na yote haya ni karibu siku kumi. Hivyo ni kipi kilicho nyuma ya yale yanayotokea Syria? Shukran

Jibu:

Ili kufafanua mambo, ukweli ufuatao lazima uzingatiwe:

Kwanza: Makundi yaliyoanzisha shambulizi hilo: Kulingana na BBC, 28/11/2024, makundi yaliyoshiriki katika shambulizi hilo ni “Chumba cha Operesheni za Al-Fath Al-Mubin,” ambacho kinaongozwa na Hay'at Tahrir Al-Sham. (HTS) na inajumuisha Upinzani wa Kitaifa wa Ukombozi (National Liberation Front) unaoungwa mkono na Uturuki, na kundi la Jaysh Al-Izza... pamoja na Jeshi la Kitaifa la Syria, ambalo linawakilisha muungano wa mirengo ya upinzani inayoungwa mkono na Uturuki na haihusiki katika Chumba cha Operesheni za Al-Fath Al-Mubin. Kwa hivyo, vikundi vingi vinavyoshiriki katika shambulizi hilo ni vikundi vilivyo na uhusiano na Uturuki na watiifu kwake, kwani Jeshi la Kitaifa ndio uundaji wake, na HTS iko chini ya macho na masikio ya Uturuki; maelewano kati ya shirika hilo na Uturuki ni ya kushangaza kwa mtu yeyote mwenye macho.

Pili: Hatua hizi, ambazo mwanzoni zilikuwa kama ujumbe wa kinidhamu kwa Bashar kwa sababu hakujibu maombi ya Erdogan, kama alivyomwomba Rais wa Urusi Putin: [kufanya kazi kuendeleza mazungumzo ya kuhalalisha mahusiano kati ya Ankara na Damascus na kwa Bashar kukubali mwaliko aliomba wa kukutana naye... (Reuters, 25/10/2024)], lakini Bashar hakujibu, badala yake aliomba kuondolewa kwa majeshi ya Uturuki na alikuwa ameweka masharti na kuahirisha. Lavrov, mpatanishi wa Urusi, alithibitisha hili na kuliambia gazeti la Uturuki

la Hurriyet mnamo tarehe 1/11/2024 kwamba Bashar anaomba kuondolewa kwa vikosi vya Uturuki “...kwamba kikwazo kikuu kwa hili ni uwepo wa vikosi vya Uturuki kaskazini mwa Syria.” Erdogan alikasirika na kutoa idhini kwa shirika hilo na Jeshi la Kitaifa kuhama: “Vyanzo vya upinzani vilivyowasiliana na ujasusi wa Uturuki vilisema Uturuki ilikuwa imetoa idhini kwa kukerwa.” (AFP; Deutsche Welle, 30/11/2024).

Tatu: Ingawa vuguvugu hili mwanzoni lilikuwa ni la kukomboa maeneo yaliyoko karibu na Idlib, likisukumwa na Bashar kushindwa kujibu mapendekezo ya Uturuki ya kujadili suluhisho la kisiasa kati yake na upinzani, sekta kubwa za watu wanaoteseka kutokana na dhulma ya Bashar zilichukua fursa ya hilo na kutoka katika pande zote. Hawakuishia katika kile kilichopangwa awali katika maeneo ya kupunguza kasi ya Idlib, bali walikwenda zaidi ya hapo katika mikoa mbalimbali ya Syria. Kwa sababu jeshi la Syria pia lilikuwa likiteseka kutokana na dhulma ya Bashar na halikuwa na ukinaifu wa kumtetea, kwa hiyo, kujiondoa kwake kuliendelea. Kisha, sekta zinazotembea za watu zikaingia Aleppo, Hama, kisha Homs, na hatimaye mienendo ya watu wa Syria ikafika Damascus. Haya yote yametokea kwa kasi ndani ya siku kumi tangu harakati zianze tarehe 27/11/2024.

Nne: Misimamo ya pande za kikanda na kimataifa:

1- Ama Iran na Urusi: Zilishangazwa na yale yaliyokuwa yakitokea. Kwa hivyo, Urusi iliimarisha usalama katika Kambi ya Anga ya Hmeimim na Kambi ya Wanamaji ya Tartus, na nchi hizo mbili ziliwasiliana, “Waziri wa Mambo ya Nje wa Iran Araghchi alijadili maendeleo ya Syria na mwenzake wa Urusi Lavrov,” (Shirika la Anadolu, 30/11/2024).

Kufuatia shambulizi hili, Iran ilifanya harakati za kidiplomasia kulisimamisha na kutatua matatizo na Uturuki, hivyo Waziri wake wa Mambo ya Nje Abbas Araghchi aliwasili Ankara mnamo tarehe 2/12/2024, na kukutana na mwenzake wa Uturuki Hakan Fidan; ambaye alizungumza na mwenzake wa Marekani Blinken na kusema: [“Mchakato wa kisiasa kati ya utawala na upinzani lazima ulete matokeo chanya kwa ajili ya amani na utulivu nchini Syria” (Shirika Anadolu, 1/12/2024)].

2- Ama kuhusu Uturuki: Iilitaka suluhisho la kisiasa na Bashar kupitia mazungumzo ya amani, kama ilivyofanya Marekani, lakini Bashar alifikiri kwamba angeweza kupata faida kwa kutojibu haraka, hivyo majibu yake kwa ofa ya Erdogan yalikawia, akifikiri kwamba hilo halingeikasirisha Marekani. Inaonekana kwamba Erdogan alikasirishwa na hili, kwa hiyo alichukua idhini

Endelea... UK 7

ya Amerika kumfundisha Bashar somo, hivyo suluhisho la mazungumzo lingekuwa katika mazingira ya mapigano ambayo yalionekana kuwa ushindi kwa Erdogan dhidi ya Bashar. Kutokana na hayo, aliyasukuma makundi ya upinzani kushambulia, akiyaunga mkono kwa silaha muhimu na habari za kijasusi:

a- Mnamo tarehe 25/10/2024, Erdogan aliwaambia waandishi wa habari baada ya kukutana na Putin kando ya Mkutano wa BRICS huko Kazan kwamba yeye ["alimwomba Rais Putin wa Urusi kufanya kazi ya kuendeleza mazungumzo ya kusawazisha mahusiano kati ya Ankara na Damascus na ili Bashar kukubali mwaliko huo ilimwalika kukutana naye." (Reuters 25/10/2024)].

b- Wapatanishi wa Urusi walimjibu Erdogan zaidi ya mara moja kwamba kuna masharti kwa Bashar al-Assad kukutana naye na kusawazisha mahusiano naye, ikiwa ni pamoja na kuondoa vikosi vya Uturuki kutoka Syria. Lavrov, Waziri wa Mambo ya Nje wa Urusi, alilithibitisha gazeti la Uturuki, Hurriyet mnamo tarehe 1/11/2024 kwamba "Uturuki na Syria zinaonyesha nia ya dhati ya kuanzisha tena mazungumzo ili kusawazisha mahusiano, na kwamba kikwazo kikuu kwa hili ni uwepo wa Wanajeshi wa Uturuki kaskazini mwa Syria. Hii inaashiria ukaidi wa Bashar ambaye alitumia nafasi mbaya ya Erdogan juu ya usawazishaji mahusiano, na pia alitumia vibaya uungaji mkono wa nchi za Kiarabu kwake, kwa hivyo aliona kuwa Amerika ingali inamtaka kwa sababu haijapata badali yake!

c- Wakati serikali ya Uturuki ilipokata tamaa ya kupata suluhisho la mazungumzo pamoja na Bashar chini ya mazingira haya, ilipata kibali cha Amerika kwa suluhisho la mazungumzo kutekelezwa kwa utangulizi wa kijeshi kumshinikiza Bashar. Kwa hivyo, Erdogan alihamasisha makundi yaliyojihami tangu 27/11/2024. Hili linathibitishwa na ukweli kwamba utawala wa Uturuki ndio uliowaruhusu kuanza kushinikiza utawala wa Bashar, yaani kwa idhini kutoka Uturuki ["vyanzo vya upinzani vilivyowasiliana na ujasusi wa Uturuki vinasema kwamba Ankara ilitoa idhini kwa shambulizi hilo." (Deutsche Welle, 30/11/2024)]; hii ilikuwa ni ili Bashar akubali kukaa na Erdogan, kurekebisha mahusiano na Uturuki, na kupatana na upinzani... kisha kufikia suluhisho la kisiasa kulingana na vipimo vya Marekani! Hiyo ni, "awamu mpya" kwa Syria, kama Erdogan alivyosema wakati wa maongezi ya simu na Katibu Mkuu wa UN Guterres, "Rais wa Uturuki Tayyip Erdogan alisisitiza mnamo Alhamisi kwamba Syria inaingia katika awamu mpya ambayo inasimamiwa kwa utulivu." (Arabi21, 5/12/2024).

3- Ama kuhusu Marekani: Haikushangazwa na mashambulizi ya wapinzani wa Syria. Mshauri wa Usalama wa Kitaifa wa Marekani Jake Sullivan alisema: "Haikuwa jambo la kushangaza kwamba wapiganaji wa upinzani wenye silaha walijaribu kuchukua fursa ya

hali hiyo..." (Al-Arabiya ya Kiingereza; Al Jazeera Net, 1/12/2024), na haikuonyesha wasiwasi wowote, kama Al Jazeera Net ilivyoripti mnamo tarehe 1/12/2024 kutoka Ikulu ya White House ikisema: "Tunafuatilia kwa karibu hali ya Syria na tumekuwa tukiwasiliana kwa muda wa saa 48 zilizopita na miji mikuu." Msemaji wa Baraza la Usalama wa Kitaifa la Marekani Sean Savett alisema (Marekani, pamoja na washirika wake, wanahimiza kupunguzwa kasi ya ghasia, ulinzi wa raia na makundi ya walio wachache, na mchakato mzito na wa kuaminika wa kisiasa ambao unaweza kumaliza vita hivi vya wenyewe kwa wenyewe mara moja na milele kwa suluhisho la kisiasa linaloendana na UNSCR 2254." (White House, 30/11/2024; RT, 1/12/2024).

Al Jazeera iliripoti kwenye tovuti yake mnamo tarehe 2/12/2024:

(Wizara ya Mambo ya Nje ya Marekani ilitoa taarifa ikisema, "Kuongezeka kwa ghasia kwa sasa kunasisitiza tu hitaji la dharura la suluhisho la kisiasa linaloongozwa na Syria kwa mzozo, kulingana na UNSCR 2254." ikiregelea azimio la UN la 2015 lililoidhinisha mchakato wa amani nchini Syria na ambalo halijatekelezwa hadi sasa. Linaeleza kuwa mazungumzo ya amani nchini Syria yanapaswa kuanza Januari 2016. Huku likisisitiza kuwa watu wa Syria ndio wanaoamua mustakabali wa nchi hiyo, lililoa wito wa kuundwa kwa serikali ya mpito na kufanya uchaguzi chini ya usimamizi wa Umoja wa Mataifa, na kutaka kusitishwa mara moja kwa mashambulizi yoyote dhidi ya raia yaliyochapishwa kwenye tovuti yake mnamo tarehe 4/12/2024: (Blinken aliona kuwa jambo muhimu zaidi kwa sasa ni kusukuma mbele mchakato wa kisiasa unaozingatia azimio la Baraza la Usalama la Umoja wa Mataifa, katika jaribio la kutatua na kumaliza vita vya wenyewe kwa wenyewe nchini Syria). Shirika la Habari la Khabar lilichapishwa kwenye tovuti yake mnamo 7/12/2024: (Wizara ya Mambo ya Nje ya Uturuki ilisema: Tulimfahamisha Blinken kuhusu haja ya serikali ya Syria kufanya mazungumzo na upinzani).

4- Ama uhusu umbile la Kiyahudi: Euro News Arabia iliripoti mnamo tarehe 30/11/2024 yafuatayo: (Waziri Mkuu wa 'Israel' Benjamin Netanyahu, alijitokeza Jumanne iliyopita jioni kuwatangazia 'Waisraeli' kukubali kwake kusitisha mapigano na Hezbollah. Katika hotuba yake, Netanyahu hakusahau kumregelea Rais wa Syria, Bashar al-Assad, na kusema katika hotuba yake, "Assad anacheza na moto." Saa chache baada ya hotuba hiyo, makundi ya Syria yalianzisha mashambulizi yaliyoratibiwa dhidi ya vikosi vya Assad kaskazini mwa Syria, ambayo yalizua maswali mengi kuhusu hali ya kaskazini mwa Syria, ambayo si ya kawaida kwa suala kama hilo, kwa mujibu wa vyombo vya habari vya 'Israel'). Kisha Al Jazeera Net ikaripoti mnamo tarehe 1/12/2024 kwamba gazeti la Yedioth Ahronoth lilisema: (Jeshi la 'Israel' liliizuia ndege ya Iran kutua Syria kwa tuhuma kwamba ilikuwa imebeba silaha kwa

ajili ya Hezbollah ya Lebanon), kana kwamba ni umbile la Kiyahudi linataka kuizuia Iran kuregea kwa nguvu kwenye uwanja wa Syria kwa kisingizio cha kubeba silaha kwa ajili ya chama hicho nchini Lebanon, na kwa hivyo haitaki mwelekeo wa kijeshi kwa Iran au Chama cha Iran nchini Syria na Lebanon.

Tano: Kwa kuhitimisha, kwa kuzingatia yale tuliyoeleza hapo juu, ni kama ifuatavyo:

1- Upande uliodhibiti kuanza kwa mashambulizi kuelekea maeneo ya kupunguza kasi ya ghasia nchini Syria ni Uturuki na Amerika iko nyuma yake.

2- Wanataka kutokana na hili “kuanzisha mchakato wa kisiasa unaoaminika” ... “awamu mpya” ... ili kupanga utawala mpya nchini Syria, na ninarudia baadhi ya kauli za maafisa wa Marekani na Uturuki katika suala hili:

Msemaji wa Baraza la Usalama wa Kitaifa la Marekani, Sean Savett, alisema: [“Marekani, pamoja na washirika wake, wanahimiza kupunguzwa kasi ya ghasia, ulinzi wa raia na makundi ya walio wachache, na mchakato mzito na wa kuaminika wa kisiasa ambao unaweza kukomesha vita hivi vya wenyewe kwa wenyewe mara moja na kabisa na suluhisho la kisiasa linaloambatana na UNSCR 2254”. (White House, 30/11/2024; RT, 1/12/2024)]. Rais wa Uturuki Tayyip Erdogan alisisitiza, mnamo Alhamisi, kwamba Syria inaingia ‘awamu mpya’ ambayo inasimamiwa kwa utulivu. (Arabi21, 5/12/2024).

3- Ijapokuwa hawakufafanua walichomaanisha na suluhisho la kisiasa ambalo mashambulizi haya yangepelekea, uhalisia wa wingi wa vikosi vinavyopigana hivi sasa kwenye mipaka unaweza kuashiria kwamba kile ambacho Amerika na wafuasi wake wanapanga ni serikali ya muungano ya Syria kati ya majeshi haya ambayo yangeurithi utawala wa dhalimu ambao umeondolewa, na ambamo kungekuwa na majimbo yenye kujitawala wenyewe sawa na jimbo la Wakurdi linalojitawala wenyewe nchini Iraq.

4- Amerika, ambayo inadhibiti suluhisho hilo, itaruhusu maslahi ya Mayahudi kupatikana, kwani Amerika iliwahakikishia hilo katika makubaliano ya kusitisha mapigano kati ya Mayahudi na Lebanon alfajiri ya tarehe 27/11/2024, ambayo ni siku hiyo hiyo makabiliano ya kijeshi yalianza nchini Syria. Na kuizuia Iran isirudi kwa kasi ya kijeshi katika uwanja wa Syria kwa kuunga mkono chama chake nchini Lebanon, yaani kukata uhusiano wa kijeshi ulioko uwanjani kati ya Iran na chama chake nchini Lebanon.

Haya ndiyo mambo ambayo kauli za maafisa wa Marekani na Uturuki hapo juu zinaashiria kuanzisha mashambulizi nchini Syria.

Sita: Hatimaye, yale yaliyotokea na yanayoendelea nchini Syria leo, kutokana na umwagaji damu, majumba

kuharibiwa, na familia kuhamishwa, ni jambo la uchungu, hasa kwa vile ni kutafuta suluhisho la kisiasa na awamu mpya ambayo haiko mbali na mifumo ya kiraia ya kisekula iliyoko katika nchi za Waislamu baada ya wakoloni makafiri na vibaraka wao kuweza kuondosha mfumo wa utawala katika Uislamu (Khilafah) miaka mia moja iliyopita... na kisha mataifa yakakusanyika dhidi yetu mithili ya wanyama wanaowinda mawindo yao, Ummah utaregea, ukiwa na heshima na utukufu kama ulivyokuwa, na Khilafah Rashida itaregeshwa tena, Mwenyezi Mungu akipenda. Lakini sheria ya Mwenyezi Mungu inataka kwamba Malaika wasitushukie kutoka mbinguni kutusimamishia Khilafah huku tukiwa sisi tumekaa, badala yake inapaswa kusimamishwa kwa mikono ya watu wanaomuamini Mola wao ambaye Yeye (swt) amewazidishia uongofu. Hatuwakosi watu wa aina hiyo wawe jeshini au upinzani, hata kama ni wachache, hasa kwa vile mfuatiliaji wa matukio yaliyoanza siku kumi zilizopita, anaona wanaopinga utawala huo si wale pekee walioanzisha makabiliano haya na serikali, kama wafuasi wa Uturuki na nyuma yake Amerika, kufikia mabadiliko ya kisekula kwa kuihamisha kutoka bega hadi bega ... lakini pia wengine walijiunga katika makabiliano, waliunguzwa na dhulma ya utawala huo na kutaka kuubadilisha ili kutimiza matamanio ya Waislamu wa Syria.

Kwao tunawahutubia wito: kufanya kila wawezalo kuzuia masuluhisho potovu ya kisiasa ya kisekula ambayo wakoloni makafiri na vibaraka wao wanayataka. Na kutoruhusu mihanga yao katika matukio haya kupotea bure na kuwa athari iliyosahaulika! Na kuwaunga mkono wale wanaofanya kazi ya kusimamisha utawala wa Uislamu, Khilafah Rashida, ili wapate malipo makubwa na ushindi mkubwa. Na kisha wao watakuwa miongoni mwa wanaostahiki bishara njema:

نَصْرٌ مِنَ اللَّهِ وَفَتْحٌ قَرِيبٌ وَبَشِيرٌ الْمُؤْمِنِينَ

“...nusura itokayo kwa Mwenyezi Mungu, na ushindi ulio karibu! Na wabashirieni Waumini!” [As-Saf: 13].

6 Jumada Al-Akhir 1446 H

8/12/2024 M